

**QEQERTARSUATSIAANI**  
**Sulinermik inuutissarsiutillit peqatigiiffiata**  
**Malittarisassai.**

**KOPI**

**§ 1.**

**Peqatigiiffiup aqqa najugaalu**

Sulinermik inuutissarsiuteqartut peqatigiiffiat S.I.P QEQERTARSUATSIAAT.

**§ 2.**

**Peqatigiiffiup siunertaa.**

*Imm. 1 Ilaasortat sulisartut peqatigiiffeqarneranik kattuffeqarnerannillu qaammaesaavigissallu*

*git.Taamalu kinaluunniit Qeqertarsuatsiaani najugaqartoq S.I.K isumaqatigiissuteqarfingisaanik tungaveqarluni sulisorineqartoq ilaasortangortinniassallugu.*

*Imm. 2 Ilaasortat sullissallugit isumaqatigiissutit tungavigalugit eqqortumik akissasersorneqarnissaat tapit pisassarisaasut ilangullugit.*

*Imm. 3 Ilaasortat sullissallugit suliffissaarusimanermi napparsimanermi allatigullu ajungitsorsiassaasigut.*

*Imm. 4 Ilaasortat piorsarsimasutikkut ilinniartitaanukkullu ingerlaatimik qaammarsartassallugit*

**§ 3.**

**Ilaasortangorsinnaaneq ilaasortaanerlu.**

*Imm. 1 Kinaluunniit QEQERTARSUATSIAANI najugaqartoq aningaasarsiallu tungaasigut kattuffimmut allamut isumaqatigiissuteqarfefeqarsimangitsoq S.I.K isumaqatigiissuteqarfingisai malillugit akissaasersorneqartoq QEQERTARSUATSIAINI S.I.P-mut ilaasortangorsinnaavoq.*

*Imm. 2 Ilaasortaq pisussaavoq peqatigiiffiup malittarisassai eqqortinniassallugit, peqatigiiffimilu suliniarneq sutigut tamatigut tapersersussallugu.*

*Imm. 3 Ilaasortaq pisussaavoq aningaasarsiat tungaasigut isumaqatigiiffiusimasumut allamut nuussimaguni tamanna peqatigiiffimmut nalunaarutigissallugu.*

*Imm. 4 Ilaasortaq kinaluunniit pisinnaatitaavoq sullivimmini atukkamigut sinniisuni pisussaatissallugu ajornartorsiuteqarnermigut sulissunneqarnissaminut.*

*Imm. 5 Sulinermik inuutissarsiuteqartoq kinaluunniit QEQERTARSUATSIAANI.S.I.P-mut ilaasortangorusukkuni suliffimmini sulisut sinnisaanut saaffiginninnermigutilaasortangorsinnaavoq.*

*Imm. 6 Peqatigiiffiup ataatsimeersuarnerani ilaasortaanermut akiliut aalajangiun-neqarsimasoq tungavigalugu ilaasortaq pisussaavoq ilaasortaanerminut akiliutissani peqatigiiffimmut akilertassallugu.*

*Imm. 7 Ilaasortaq 18-nit inorlugit ukiullit, aammalu ullup affaani suliffeqartut ilaasortaanermut akiliutip affaanik akiliuteqartassapput.*

*Imm. 8 Ilaasortaq peqatigiiffimmut akiliutigereersimasaminik utertsitisinnaatitaangilaq.*

#### **§ 4.**

##### **Peqatigiiffiup aaqqissuussaanera.**

Peqatigiiffik inuaqatigiinni iluaqutissaasumik sumilluunniit aaqqissuussisinnaatitaavoq, siulersuisut imaluunniit ilaasortat pisariaqartitsinerat tungavigalugu. Ukiummullu ataasiarluni ukiortaarsioqatigiinneqartassaaq Januar naalernerani arfininngorneq kingulleq peqatigiiffiup aallartiffia 30 Januar 1967 eqqaaniarlugu. Aammalu ukiut tamaasa Maj aallaqqaataa peqatigiiffiup tungaaniit aaqqissuussiffingeqartassaaq, aammalu S.I.K isumaqatigiinniarnerisa nalaani immikkut ittumik aaqqissuussineqartarsinnaavoq.

#### **§ 5.**

##### **Ataatsimeersuarneq.**

Ataatsimeersuarneq imatut ingerlanneqartassaaq.

1. Tikilluaqqusineq
2. Aqtisussamik toqqaaneq.
3. Siulittaasup nalunaarutaa
4. Aningaasaatit kukkunersiorsimasut saqqummiunnerat.
5. Oqaluuserisassangortitat oqaluuserineri
6. Siulersuisunik qinersineq.
7. Siulersuisunik qinersineq ukiut marluk qaangiunnerini ingerlanneqartassaaq.
8. Taammaattorli ukiut tamaasa aninngaasaatit kukkunersiorneqarsimasut ilaasortanut saqqummiunneqartassapput akuersissutigineqarlillu.
9. Siulersuisut akissarsiaasa aalajangerneri.

*Imm. 2. Peqatigiiffiup malittarisassanut allannguutissatut siunnersuutit ataatsimeersuarnissaq sap. Ak. Marluk sioqqullugu siulersuisunut tunniutereersimassaaq.*

*Imm. 3. Naatsorsuutit kukkunersiorikkat ilaasortanut takusassanngortereersimassapput ataatsimeersuarneq sap. Ak. Marluk sioqqullugu.*

*Imm. 4. Ataatsimeersuarneq ilaasortat ataatsimeersuarnermut takkuttut aalajangersinnaavaat ataatsimeersuarneq ingerlatiinnassaneraat.*

*Imm. 5. Ataatsimeersuartut aalajangersaasussaatillutik imaluunniit qinersisoqassatillugu ilaasortat ataatsimeersuaqataasut amerlanerussuteqarneq aallaavigalugu aalajangiisoqartassaaq.*

## § 6.

### **Immikkut ittumik ataatsimeersuarneq.**

Siulersuisuni amerlanerussuteqartut, imaluunniit ilaasortat 50% ikinnerungitsut kissaatigipassuk immikkut ittumik ataatsimeersuartoqarsinnaavoq, tassanissaaq qinersinerit pisinnaapput. Naatsorsuutillu saqqummiunneqarlutik.

Imm. 2. Immikkut ittumik ataatsimeersuarneq aalajangiunneqarpat, ataatsimeersuarneq § 5 malillugu ingerlanneqassaaq.

## § 7.

### **Siulersuisut pisussaaffii.**

Siulersuisut pisussaapput ilaasortat ataatsimooqatigiissittassallugit, sulisullu sinnisaat ataatsimeeqatigisassallugit. S.I.K isumaqatigiinniarnerata nalaani aalajangersaalinnngin-nermi ilaasortat siulersuisunit aperineqartassapput.

## § 8.

QEQTARSUATSIAANI S.I.P ulluinnarni aqtsineq siulittaasup aninngaaserisullu isumagisasavaat.

Imm. 1 Immikkoortortaqarfíup konto-inut netbank-ikkut pisinnaatitsissumvik SIK-mut tunniunneqartussamut, immikkoortortaqarfímmi SIP-imi siulittaasoq, aningaaserisorlu atsiussapput.

## § 9.

### **Soqtigisaqaqatigiiffiit.**

QEQTARSUATSIAANI periarfissaqalersinnagu soqtigisaqaqatigiinnik pilersitisoqarsin-naangilaq, soqtigisaqaqatigiilli ikinnerpaaffissaat inuit 25 angusimappatigit pilersitsinialernermilu tungavissaqarluarsimappat taamaaliornissaq tapersorsorneqarsinnaavoq.

## § 10.

### **Tunuartsitisinnaaneq.**

Ilaasortaq peqatigiiffiup anguniagaanuk taakkuluunniit piviusungortinniarneranni ajoqu-taasumik iliuuseqartoq ilaasortaajunnaarsinneqarsinnaavoq.



### Malittarisassanik atortuulersitsineq.

Malittarisassat ukiumoortumik ataatsimeersuarnermi imaluunniit immikkut ittumik  
Ataatsimeersuarnermi aatsaat allangortinneqarsinnaapput paragraf-ikkaarlugit,  
tamanna ataatsimeersuaqataasut amerlanerussuteqartut isumaqataaffigippassuk.

Malittarisassallu ataatsimeersuarnermi atortuulersinnejarlutik.

Qeqertarsuatsiaat ulloq 3. Juni 2015

Siulittaasoq:	Siulittaasup tullia:
<i>Ingvor Motzfeldt</i>	<i>Beathe Jakobsen</i>
Aningaaserisoq:	Allatsi:
<i>Lisa Berthelsen</i>	<i>Bebiana M.M</i>
Siulersuisunut ilaasortaq	Siulersuisunut ilaasortaq
<i>Karen H Hansen</i>	
Siulersuisunut ilaasortaq	Siulersuisunut ilaasortaq